

K. MAHKAMJONOV, F. XO'JAYEV

# JISMONIY TARBIYA 1

O'zbekiston Respublikasi Xalq ta'limi vazirligi  
umumi o'rta ta'lim mакtablarining  
1-sinfi uchun o'quv qo'llanma  
sifatida tavsiya etgan



TOSHKENT — «O'ZBEKISTON» — 2017

UO'K: 796(075)  
KBK 74.200.55  
M 37

**Respublika maqsadli kitob jamg'armasi  
mablag'lari hisobidan chop etildi.**

Mazkur qo'llanma o'quv yilining II yarim  
yilligidan boshlab o'qitiladi.

Taqrizchilar: **R. Mavlanova** — pedagogika fanlari doktori, professor;  
**T.T. Yunusov** — pedagogika fanlari nomzodi, professor;  
**S. Omargaliyev** — O'zbekiston Respublikasida xizmat ko'rsatgan xalq ta'limi xodimi.

**Shartli belgilar:**

**D.h.** — dastlabki holat  
**A.t.t.** — asosiy tik turish  
**T.t.** — tik turish

**Mahkamjonov, Karimjon.**

M 37 Jismoniy tarbiya: umumiy o'rta ta'lim maktabalarining 1-sinfi uchun o'quv qo'llanma / K. Mahkamjonov, F. Xo'jayev. — T.: «O'zbekiston», 2017. — 64 b.

I. Xo'jayev, F.


ISBN 978-9943-01-056-7

**UO'K: 796(075)**  
**KBK 74.200.55**

ISBN 978-9943-01-056-7

© K. Mahkamjonov va boshq., 2003, 2017  
© «O'zbekiston» NMIU, 2003, 2017






# JISMONIY TARBIYA NIMALARNI O'RGATADI?





## KUN TARTIBI

Sizning oldingizda yangi vazifalar paydo bo'la boshladi. Siz uy vazifalarini tayyorlashingiz, ota-onalarингизга yordam berishingiz lozim. Shuningdek, maktab sport to'garaklarida shug'ullanishingiz, o'rtoqlarингиз bilan o'ynashingiz, qiziqarli



kitoblar o‘qishingiz ham kerak. Bu ishlarni bajarishda to‘g‘ri tuzilgan kun tartibi sizga yordam beradi. Buning uchun qilinadigan ishlarning ro‘yxati tuzilib, uni qaysi vaqtda bajarish kerakligi ko‘rsatiladi. Siz shu ishlarni ko‘rsatilgan vaqtarda bajarishga odatlanishingiz kerak. Bu sizning kun tartibingiz bo‘ladi. Kun tartibidagi ishlar bilan birga jismoniy mashqlarni bajarishni ham esdan chiqarmaslik kerak. Jismoniy mashqlarni bajarish bilan siz sog‘lom bo‘lishga, ish qobiliyatingizni oshirishga va o‘zlashtirishni yaxshilashga erishasiz.

Kun tartibida ko‘rsatilgan hamma ishlarni o‘z vaqtida qilsangiz, toliqib qolmaysiz. O‘quv vazifalarini bajarishda


qiynalmaysiz, tiniqib uxlab, sog'lom va tetik yurasiz.

## O'QUVCHINING KUN TARTIBINI QANDAY TUZISH KERAK?

Kun tartibini hamma har xil tuzishi mumkin. Lekin shunday tadbirlar borki, ularni hamma bajarishi shart.

### ERTALABKI BADANTARBIYA

Ertalabki badantarbiya bolalar kun tartibida eng asosiy o'rinni egallaydi. Uni har bir o'quvchi uyqudan turib, o'z



o‘rnini yig‘ib olgandan so‘ng bajarishi kerak. Badantarbiya tananing har bir a’zolari uchun beriladigan 5–6 ta mashqdan iborat.

## **ERTALABKI YUVINISH-TARANISH**

O‘quvchi ertalabki badantarbiyadan keyin tishlari va yuz-qo‘llarini tozalab yuvib, so‘ngra kiyinadi.



## **OVQATLANISH**

Kun davomida siz kamida uch marta ovqatlanasiz: nonushta, tushlik va kechki ovqat. Ertalabki yuvinish-taranishdan keyin nonushta qilinadi. Maktabdan qaytib kel-

ganingizdan so'ng tushlik qilasiz. Yotishdan bir necha soat oldin kechki taomni tajnovul qilasiz.

## MAKTABDA O'QISH

Bu o'quvchi uchun mas'uliyatli ishlardan biri. U darsda yozadi, o'qiydi, sanaydi. Odamlar, hayvonlar, tabiat, yangiliklar haqida qiziqarli ma'lumot oladi.



## OCHIQ HAVODA SAYR

O'quvchi har kuni 4–5 soat ochiq havoda dam olishi kerak. Shundan so'ng ota-onasiga uy ishlarida ko'mak berishi lozim.

## **UYDA DARS TAYYORLASH**

Maktabda, uyda o‘qib va yozib kelish uchun vazifa beriladi. Uni o‘z vaqtida bajarish kerak. Uy vazifasi tushlik va kunduzgi sayrdan keyin bajarilgani ma’qul.



## **KECHQURUNGI YUVINISH-TARANISH**

Kechqurun uyqudan oldin tish tozalab yuviladi. Har kuni qo‘l va oyoqlarni sovunlab yuvib, keyin yotish foydalidir.

## **Savollar:**

1. Kun tartibi nima?
2. Nima uchun jismoniy mashqlar bilan shug'ullanishni kun tartibiga kiritish kerak?

## **Topshiriqlar:**

1. Ota-onangiz bilan birqalikda o'z kun tartibingizni ishlab chiqib, ko'rinarli joyga ilib qo'ying.
2. Qaysi sport to'garagiga qatnashasiz? Rasmni izohlab berling.




## **ERTALABKI BADANTARBIYA MASHQLARI**

Ertalabki badantarbiyada bajarilgan gimnastika mashqlari ta'sirida tana qiziydi, sezgi a'zolari uyg'onadi. Bu sizga kuch va tetiklik bag'ishlaydi.

Ertalabki badantarbiya uchun xona oldindan shamollatiladi. Bu ishni siz uyqudan turguningizcha ota-onalaringiz bajasalar ham bo'ladi.

Badantarbiya mashqlari gilam ustida bajarilgani ma'qul. Mashqlar odatda dastlabki holatdan boshlanadi.

**1.** D. h. — a.t.t. Oyoqlar juftlashgan, oyoq uchlari biroz ochilgan. Qo'llar tana bo'y lab pastga tushirilgan, bosh to'g'riga qaratilgan.




**2.** D. h. — oyoqlar yelka kengligida, qo'llar belda.

**3.** D. h. — oyoqlar yelka kengligida, qo'llar bosh orqasida. Barmoqlar zanjir holatida, tirsaklar yonda.

**4.** D. h. — oyoqlarni keng kerib yarim o'tirish, qo'llar yonga uzatilgan.

**5.** D. h. — o'tirish, oyoqlar juftlashtirib uzatilgan, qo'llar pastda.

**6.** D. h. — tizzalarda tayanimib turish, qo'llar pastda.




## **ERTALABKI BADANTARBIYA MASHQLARI MAJMUysi**

Mashqlar yurishdan boshlanadi. Mashq bajarayotganda burun orqali nafas olish kerak. Olingan havo burundan toza va iliq holda o'pkaga o'tadi.

**1.** D. h. — a.t.t. Yurish, tizza baland ko'tarilib, bel to'g'-rilanadi. Qo'llar erkin va keng harakatlanadi, bosh to'g'ri tutiladi.

**2.** D. h. — a.t.t. Oyoq uchida turib, qo'llarni yuqoriga ko'tarib, chuqur nafas olish. Qo'llarni tushirib, nafas chiqarish.

**3.** D. h. — a.t.t. Qo'llarni oldinga va orqaga uzatib chapak chalish.





5



6



7



8

**4.** D. h. — oyoqlar yelka kengligida, qo'llar pastda. Chap va o'ng tomonga churroq engashish.

**5.** D. h. — oyoqlar yelka kengligida, qo'llar belda. Gavdani o'ng va chap tomonga burish.

**6.** D. h. — oyoqlar yelka kengligida, qo'llar belda. Oldinga engashib, qo'llarni yon tomonga yozish. D. h.

**7.** D. h. — a.t.t. Cho'qqayib o'tirib, qo'llarni oldinga uzatish. D. h.

**8.** D. h. — oyoqlar yelka kengligida, qo'llar pastda. Sakrab oyoqlarni juftlashtirish, qo'llarni yuqoriga ko'tarib chapak chalish. D.h.

## **MUSTAQIL JISMONIY MASHQLAR**

Maktabda sinf ishlarini yoki uy vazifasini bajarish paytida ancha vaqtgacha harakatsiz o'tirishga to'g'ri keladi. Shunda zerikib, charchaysiz. Charchoqni faol harakatlar bilan yo'qotish mumkin. Buning uchun bir daqiqa davomida 3 ta mashq 5–6 marta takrorlab bajariladi. Bu quvnoq daqiqalar deyiladi. Mashqlarni o'tirgan joyda yoki parta yonda, sekin yoki o'rta tezlikda bajarish mumkin.

Charchoqni butunlay yozish uchun 5–6 ta mashqni 2–3 daqiqa davomida bajarish mumkin. Bunga jismoniy tarbiya daqiqalari deyiladi. Ularni kerishish mashqlaridan boshlagan ma'qul. 3–4 ta mashq bilan qo'l, oyoq va gavda-

ni harakatlantirish, siltash va bo'shashish mashqlari bilan yakunlash mumkin.

## **TOZALIK – SALOMATLIK GAROVI**

Odam sog'lom va bardam yurishi uchun tanasi va kiyimlarini toza va orasta tutishi kerak. Kiyimlari toza, ko'rinishi yoqimli, xulqi chiroyli bolalarning do'stlari ko'p bo'ladi. Ularni hamma hurmat qiladi. Kiyim-boshlari, yuz-qo'llari kir-chir yurgan bolalar bilan hech kim o'rtoq bo'lgisi kelmaydi.



## **ORASTA BO‘LING!**

Qanday yaxshi, bolalar,  
Tozalik, orastalik.

Go‘zal xulq, odob bilan,  
Hamisha payvastalik.

Sahar turib uyqudan,  
Muzday suvgaga yuz yuvmoq,  
Qiziguncha to badan,  
Yo‘lakchada yugurmoq.

«Bir-ikki» — deb, egilib,  
Mashqlar qilsangiz yana,  
Shaxt bilan ko‘krak kerib,  
Yursangiz yayrar tana.


M. Omon

## **QO'L PARVARISHI**

Iflos qo'llar sog'liq uchun juda zararli. Shuning uchun qo'lni har doim, ayniqsa, ov-qatlanishdan oldin sovunlab yuvish kerak. Tirnoq olishni esdan chiqarmaslik zarur.

## **OYOQ PARVARISHI**

Oyoqni har kuni, eng yaxshisi, uyqu oldidan iliq suvda sovunlab yuvganingiz ma'qul. Bu charchoqni tez yengisha yordam beradi. Oyoq tirnog'ini muntazam ravishda olib turish kerak.




## **KO‘Z PARVARISHI**

Odatda, ertalab va kechqurun yuzni yuvish vaqtida ko‘z qovog‘i yuviladi. Sport maydonchasida bo‘lganda, ko‘zga biror narsa tushganda ko‘zning tashqi burchagidan burun tomonga qarata yuvish kerak.

## **TISH PARVARISHI**


Tishlarni ertalab uyqudan turgach hamda kechqurun uyqu oldidan tish pastasi bilan yuvish lozim. Tishni tozalaganda milkni avaylash kerak. Pastali cho‘tkani tishning ichki va tashqi tomonidan, o‘ngdan chapga va yuqoridan pastga harakatlantirish zarur.



## **CHINIQISH**

Chiniqish deganda, tana a'zolarini o'zgaruvchan havo-ga moslashtirish, issiq-sovuq-qa chidamliligini oshirish tu-shuniladi. Sog'lom bo'lish uchun quyosh nurlarida tob-lanish, ochiq havoda yurish va suv havzalarida cho'milib, chiniqish mumkin.

Chiniqishni asta-sekinlik bilan boshlash, ya'ni tanani oldin nam sochiq bilan artish lozim. Suvdan foydalanganda oldin iliq suvdan boshlab, keyin esa sovuq suvgaga o'tish kerak.





Chiniqishni muntazam olib borish va me'yorga amal qilish kerak. Masalan, oftobda toblanmoqchi bo'lsangiz, dastlab quyosh taftida biroz vaqt turish kerak. Aks holda teringizni kuydirib olishingiz mumkin.

Harorat 15–20° bo'lganda ochiq havoda sayr qilish, oyoq kiyimlarisiz yurish, deraza darchasi ochiq xonada uxlash juda foydalidir.

Ertalabki gimnastika mashqlarini ochiq havoda yoki deraza darchasi ochiq bo'lgan holda o'tkazish maqsadga muvofiqdir.

## **SPORT JIHOZLARI**

1. Sport o'yinlari to'plari (futbol, basketbol).
2. Gimnastik tayoqcha.
3. Arg'amchi.
4. Plastmassali keglilar.
5. To'ldirma to'p (1 kg).
6. Gantellar.
7. Gardishlar.
8. Gimnastik tasma.
9. Badminton raketkasi va volani.
10. Tennis koptogi.



## **Savollar:**

1. Uyingizda qanday sport an-jomlari bor?
2. Bu jihozlar bilan qanday mashqlarni bajarish mumkin?
3. Yana qanday jihozlarni bila-siz?

## **Topshiriqlar:**

1. Gimnastik tayoqcha, arg‘am-chi, koptok, gantellarning ras-mini daftaringizga chizib keling.
2. Rasmni izohlab bering.




## **SPORT ZALI**

Maktabda gimnastika, basketbol, voleybol, harakatli o'yinlar va har xil mashqlar o'tkaziladigan xona sport zali deb ataladi.

## **SPORT ZALIDAGI ANJOMLAR**

1. Parallel bruslar.
2. Turnik.
3. Tirmashib chiqadigan arqon.
4. Gimnastik halqalar.
5. Gimnastik «kozyol».
6. Gimnastik «kon».
7. Depsinish ko'prigi.
8. Gimnastika narvoni.
9. Basketbol halqasi.
10. Gimnastika to'shami.
11. Gimnastika yakkacho'pi.
12. Gimnastika o'rindig'i.
13. Dastakli gimnastik «kon».



Basketbol  
halqası




Gimnastik  
halqalar



Tirmashib  
chiqadigan  
arqon




Turnik



Gimnastika  
to'shagi



Depsinish  
ko'prigi





Gimnastik «kozyol»

## Gimnastika narvoni



Gimnastik «kon»



Parallel bruslar




Gimnastika o'rindig'i

## **Savollar:**

1. Sport zali deb nimaga aytildi?
2. Sport zalida qanday anjomlar mavjud?


## **Topshiriqlar:**

1. O‘z matabingizdagi sport anjomlari nomini yozib keling va eslab qoling.
2. «Sport zalidagi anjomlar» matniga asoslanib, kattalar yordamida ushbu krossvordni yeching:



## GIMNASTIKA MASHQLARI

Jismoniy tarbiya darsida kundalik hayotda zarur bo‘ladigan harakatlarni to‘g‘ri va chiroyli bajarish qoidalari o‘rganiladi. Siz dastlab sportning gimnastika, yengil atletika, suzish va harakatli o‘yinlar hamda sport o‘yinlari elementlari bilan tanishasiz.






**Gimnastika** kelishgan qomatli, kuchli va ko'rkam bo'lishingizga yordam beradi. Unda qo'l-oyoq va butun tannani to'g'ri harakatlantirishni, safda turishni, akrobatikani o'rganasiz. Turli buyumlar bilan va buyumlarsiz mashqlar bajarasiz.

### **Topshiriq:**


Rasmni izohlab bering.



# BAYROQCHALAR BILAN MASHQLAR BAJARISH







# ARG'AMCHI BILAN MASHQLAR BAJARISH



## **SAFLANISH VA QAYTA SAFLANISH USULLARI**

Siz tezda bir qatorga saflanishni, ketma-ket saflanishni, qayta saflanishlarni, oyoq uchini to‘g‘ri tutib turishni, buyruqqa binoan harakatni boshlash va tugatishni, qo‘lni yonga uzatish va bukishni hamda sanoq bo‘yicha sanashni bilishingiz zarur.

Yuzni bir tomonga qaratib, ketma-ket turgan bolalar




safi qator deyiladi. Qatorda turganlar oralig'idagi masofa oraliq (distansiya) deb ataladi. Odatda, oraliq oldinga uzatilgan qo'l yoki bir qadam uzunligida bo'ladi.

Qatorda harakatlanish o'qtuvchining «Yuring!» degan buyrug'i bo'yicha chap oyoqdan boshlanadi. Ikki qatorli safga turish uchun ikkita qatorda yonma-yon bir qadam oraliqda turiladi. O'qtuvchining buyrug'i bilan «o'ngga» yoki «chapga» burlilish kerak.

**Yengil atletika** bilan shug'ullansangiz kuchli, tezkor, epchil va chaqqon hamda chidamli bo'lasiz. Chunki sportning bu turi yurish, yugurish va sakrash, uloqtirish, uzoq

masofaga, shuningdek, baland-past joylarda yugurish kabi mashqlarni o'rgatadi.



**Suzish, sport va harakatli o'yinlar** jon-u dilingiz.



## **HARAKATLANISH TURLARI**

Hayot paydo bo'libdiki, barcha tirik mavjudot harakatga ehtiyoj sezadi.

Laylak, turna, g'oz, asalari, kaptar, hasharot hamda qurt-qumursqalar ham harakatlanadi va havoda uchadi. Agar qanotlari harakatlanmasa, ular ucha olmaydi. Qurbaqa suvda



ham, quruqlikda ham yaxshi harakatlanadi. Baliq va ilon suvda juda yengil harakat qiladi — suzadi.

Ko'rdingizmi, qushlar, hayvonlar, sudralib yuruvchilar va nihoyat, tabarruk inson ham o'ziga yarasha harakat qiladi.

### **Topshiriqlar:**


1. Rasmga qarab hayvonlar qanday harakat qilayotganliklarini aytib bering.

2. Bolalarning qaysi harakatlari rasmdagi hayvonlarning harakatlariga mos kelishini ayting.

3. Rasmdagi harakatlar bir-biridan qanday farq qiladi?

## HARAKATLANISH USULLARI

Inson har xil usulda harakatlanishi mumkin: sakrash, hatlab o'tish, yugurish, muvozanat saqlash, emaklab oshib o'tish, tirmashib chiqish va hokazo. Masalan, dorboz arqon ustida muvozanat saqlab yurishni bilishi kerak. Quruvchi esa qurilayotgan uylardagi tor taxtalar ustida qo'rqi-




masdan va mohirlik bilan yurishi zarur. Bu malakalar bar-chasi jismoniy mashqlar yordamida rivojlantiriladi. Siz harakat qilayotganingizda tanangizning turli a'zolari: bosh, qo'l, oyoq, gavda ishtirok etadi.

### **Topshiriq:**

Rasmlardagi bolalarning harakatlanish usullarini aytib bering.

## **HARAKATLAR TEZLIGI VA YO'NALISHI**

Siz har kuni har xil tomonaga qarab harakat qilasiz, yurasiz, yugurasiz. Masalan, ol-



dinga, orqaga, tepalikka yoki pastlikka, yon tomonlar (o'ng yoki chap) bilan, hatto orqa bilan oldinga qarab yurasiz.

Sizning har xil tomonga qarab bajargan harakatlarin-giz harakat yo'nalishi deyiladi.

Bajarayotgan harakatlaringiz sekin yoki tez bo'lishi mum-kin. Masalan, sekin yurib mактабга, sayr qilish uchun hayvonot bog'iga borasiz. Av-tobusga, do'stlaringiz yoki koptokka yetib olish uchun yugurasiz.

Sizning sekin yurish yoki tez yugurishingiz harakat tez-ligi deb aytildi.

### **Savollar:**

1. Harakat tezligini qanday tu-shunasiz?

2. Harakat yo'nalishini qanday tushunasiz?

## HARAKATLI O‘YINLAR


Harakatli o‘yinlarni kichkin-toy bolalar ham, kattalar ham qiziqish bilan o‘ynaydilar.

O‘yinlarda biz harakatning yurish, yugurish, sakrash, uloqtirish, to‘sqliarni, qarshiliklarni yengish kabi asosiy turlarini ko‘ramiz. O‘yinlar diqqat bilan fikrlarni jamlashni o‘rgatadi, chaqqonlikni, tezkorlikni, kuch, chidamlilik sifatlarini rivojlan-tiradi. Jamoa o‘yinlari esa do‘slik va o‘rtoqlik hissini tarbiyalaydi.

Ochiq havoda o‘tkaziladigan o‘yinlar sog‘liq uchun juda foydalidir. Har bir o‘yining o‘ziga xos qoidalari bor. Unda birov yutadi, birov esa yutqazadi. Shuning uchun o‘yin boshlashdan oldin hakam tayinlash kerak.

## «KO‘Z BOG‘LOG‘ICH» O‘YINI


O‘yin qatnashchilaridan birining ko‘zi ro‘mol bilan bog‘lanadi va u o‘rtada turadi. Bolalar: «Xola, nimangiz yo‘qoldi?» — deb so‘rashadi. Ko‘zi bog‘langan bola: «Angishvonam», — deb javob beradi. Bolalar: «Men topdim, men topdim», — deb har tomonga yuguradilar. Ko‘zi bog‘langan bola esa tovush kelgan tomonlarga qo‘lini cho‘zib, bolalarni ushlashga harakat qiladi. Ushlangan bola o‘yindan chiqadi



yoki uning ko‘zini bog‘lashadi. O‘yin shu tariqa davom etadi. Hech tutilmagan o‘yinchilar eng chaqqon va g‘olib deb hisoblanadi.

## «KIM TEZ O‘RAYDI?» O‘YINI

O‘yinni 10–15 nafar bola 2 guruhga bo‘linib o‘ynashlari mumkin. O‘yin uchun ikki bo‘lak kanop ip (uzunligi 3–4 metrdan) va ikkita chillak kerak bo‘ladi (qalinligi 3 sm). Har bir kanopning bir uchi chillakka, ikkinchi uchi esa devordagi mos-



Iamaga bog'lanadi. Chillaklarni bolalar qo'llariga olib turadilar. Boshlovchi «Boshlang!» deyishi bilan qatnashuvchilar kanopni chillakka o'ray boshlaydilar. Qaysi guruh tez o'rabi bo'lsa, o'sha guruh g'olib hisoblanadi.

O'yinni ochiq havoda, xonda va jismoniy tarbiya mashg'ulotlarida o'tkazsa bo'ladi.

## **SHAXMAT SABOQLARI**

Shaxmat eng qadimiy o'yinlardan biridir. U go'yoki ikki lashkarning jang san'atini eslatadi. Lekin bu fikrlar kurashiga asoslangan o'ziga xos san'atdir.

Shaxmat taxtasi 64 ta teng kataklarga bo'lingan. Taxtaning bo'yi va eni bo'ylab 8 tadan qatorlar joylashgan.

64 ta kataknинг 32 таси оқ, 32 таси қора рангларга ажратылған ва ular кетма-кет, я'ни har bir qatorda oq va qora kataklar navbat bilan joylashtirilgan. Kataklarni xonalar deb ham atash mumkin.

Taxtaning yuqoriga (bo'yiga) tomon ketma-ket joylashgan xonalar yig'indisi yo'lak(lar) deyiladi. Shaxmat taxtasidagi yo'lak(lar) soni sakkizta. Taxtaning yon tomoniga (eniga) qarab ketma-ket joylashgan xonalar yig'indisi qator(lar) deyiladi. Shaxmat taxtasidagi qatorlar soni ham sakkiztadan iborat.



Taxtaning bir xil rangdagi kataklarini (xonalarini) tutash-tiruvchi yo'llar qiya yo'laklar deyiladi.

Shaxmat taxtasini shartli ravishda uch qismga bo'lish mumkin: chap qanot (farzin qanoti), markaz, o'ng qanot (shoh qanoti).

### **Savollar:**

1. Qaysi o'yin sizga ko'proq yoqadi?
2. Yana qanday o'yinlarni bila-siz?
3. Harakatli o'yin jarayonida shaxsning qanday fazilatlari ri-vojlanadi?
4. Shaxmat haqida nimalarni bilib oldingiz?

# **JISMONIY SIFATLARNI TARBIYALASH VA NAZORAT QILISH**



## **QOMATNI ROSTLASH**

To‘g‘ri qomat — bu nafaqat husn, balki sog‘lomlik belgisi hamdir. Biroq ayrim bolalarning gavdasi, ma’lum sabab-larga ko‘ra, noto‘g‘ri shaklga kirib qoladi. Bundan ular o‘ng‘aysizlanib yuradilar.

O‘z bo‘yiga nisbatan past yoki baland partada noto‘g‘ri o‘tirish, maktab sumkalarini faqat bir qo‘lda olib yurish qomatning buzilishiga sabab bo‘lishi mumkin.

Qomatning buzilishi, avvalo, insonning tashqi ko‘rinishini



xunuk qilib turadi. Qolaversa, uning ichki a'zolariga ham yomon ta'sir ko'rsatadi. Qomat buzilishi payqab qolinsa, uni dars jarayonida o'tiladigan gimnastik mashqlar bilan muntazam shug'ullanish yordamida tuzatsa bo'ladi.

Buzilgan qomatni uzoq muddat davolovchi gimnastika mashqlarini bajarish bilan to'g'rilash mumkin. Qomati jiddiy o'zgargan kishilarni esa, ko'pincha, davalash uchun maxsus shifoxonalarga yuboriladi.

### **Savollar:**

1. Qomatning buzilishiga nima sabab bo'ladi?
2. Noto'g'ri qomat bolalarga qanday ta'sir ko'rsatadi?
3. Qomatni qanday rostlash mumkin?

Rasmlarga qarab so'zlab bering.

## **Topshiriqlar:**

1. Jismoniy tarbiya o‘qituvchisi yordamida qomatni yaxshilashga oid mashqlarni tanlab oling.
2. Bu mashqlarni o‘rganing va ularni muntazam ravishda bajaring.

### **QOMATNI ROSTLASHGA OID MASHQLAR**



## **YASSIOYOQLIK**

Yassioyoqlik — bu oyoq panja mushaklarining zaifligidir. U ko'pincha raxit bilan og'-rib o'tgan bolalarda uchraydi. Yassioyoqliknini tuzatish uchun oyoq panjasini mushak boylamilarini mustahkamlash kerak. Demak, kundalik gimnastika-ga, albatta, yassioyoqliknini bartaraf qiluvchi mashqlarni kiritish zarur.

### **YASSIOYOQLIKNI BARTARAF QILUVCHI MASHQLAR**

1. Oyoq kafti suyaklarini bughish va yozish.
2. Oyoq barmoqlari bilan kubiklarni qisib olib, yon to-monga taxlash.






3



4



5

**3.** Oyoq uchini ko'tarish va tushirish.

**4.** Oyoq uchida sakrash.

**5.** Oyoq kaftida koptokni yoki tayoqchani oldinga va orqaga dumalatish.

**6.** Tayoqchalar bilan chan-g'ida yurishga taqlid qilish.


Gimnastika tayoqchalari ustida yurish.

**7.** Qiya qo'yilgan gimnastika o'rindig'i ustida oyoqlar uchida yurish.

**8.** Tosh ustida yurish.



6



7



8


# **QO'L KUCHINI OSHIRUVCHI MASHQLAR**

**1.** D. h. — cho'qqayib tayanib o'tirish.


Sakrab, oyoqlar orqaga uza-tiladi, yonga ochiladi, oyoqlar-ni juftlab, dastlabki holatga qaytiladi.

**2.** Past turnikda osilgan hol-da tortilish.

**3.** Gimnastika o'rindig'ida qo'llarga tayanib yotgan hol-da qo'llarni bukish va yozish.




1



2



3



4



5

**4.** Gimnastika narvoniga tirmashib chiqish.

**5.** Bir metr masofada gimnastika narvoni oldida turiлади. Bog'langan rezinani navbat bilan o'ng va chap qo'ilda tortish.

**6.** D. h. — juft-juft bo'lib, oyoqlar yelka kengligida qo'yiladi. Bir-birlarining qo'llarini ushlab turib, navbat bilan chap va o'ng qo'lni bukib-yozish.



6

## **YOQ KUCHINI OSHIRUVCHI MASHQLAR**


**1.** D. h. — qo'llarga tayaniб, cho'qqayib o'tirish.

Chap oyoq uchi orqaga qo'yilib, qo'llar yuqoriga ko'tariladi, dastlabki holatga qaytish. Shuning o'zi boshqa oyoq bilan bajariladi.

**2.** D. h. — oyoqlar yelka kengligida, qo'llar belda.

Cho'qqayib o'tirib, qo'llar oldinga uzatiladi, dastlabki holatga qaytish.

**3.** D. h. — qo'llar yelkada, oyoqlar juftlashgan.



Qo'llar yuqorida, chap oyoqni tizzadan bukib ko'tariladi, dastlabki holatga qaytish. Shuning o'zini boshqa oyoqda bajarish.

**4.** D. h. — arg'amchi pastda, oyoqlar juft qo'yilgan.

Arg'amchida sakrash.

**5.** «Xo'rozlar jangi» harakatlili o'yini.

**6.** D. h. — bir-biriga yuzmayuz qarab o'tirish, qo'llar yelkada.

Cho'qqayib o'tirgan holda oldinga, orqaga, yonga sakrab harakatlanish.



4



5



6

# **QORIN MUSHAKLARINI RIVOJLANTIRUVCHI MASHQLAR**


**1.** D. h. — qo'llar bilan orqaga tayangan holda o'tirish.

Uzatilgan oyoqlarni ko'tarib-tushirish, belni to'g'ri tutib, erkin nafas olish.


**2.** D. h. — chalqancha yotgan holda velosiped mingan-dagi kabi oyoqlarni aylanma harakatlantirish.




1




2



3




4



**3.** D. h. — orqada qo'llarga tayanib o'tirish. Uzatilgan oyoqlarni ko'tarib, ikki tomoniga ochish va dastlabki holatga qaytish. Erkin nafas olish.

**4.** D. h. — chalqancha yotib, qo'llarni tana bo'ylab uzatish. Ikkala oyoq bilan aylanma




5



harakatlar qilish (chapga, yuqoriga, o'ngga, pastga).

**5.** Chalqancha yotish, o'tirib olish va aksincha.

**6.** D.h. — qorinda yotgan holda qo'llar yonda. Boshni ko'tarib, qo'llarni yon tomon-ga kerib «qaldirg'och» yasash.



6



7

**7.** Gimnastika narvonidan bir qadam narida turib, qo'llarni orqaga uzatib, gimnastika narvoni cho'plaridan ushlab, asta-sekin orqaga egilish.

## **CHIDAMLILIKNI OSHIRUVCHI MASHQLAR**

Chidamlilik organizmning u yoki bu harakat faoliyatidan toliqishga bardosh bera olish qobiliyatidir. Uzoq vaqt davomida yura olish, yugurish, suzish, imkon qadar ko‘proq cho‘qqayib o‘tirish, qo‘lda tortilish, tosh ko‘tarish, tinimsiz harakatga bardosh berish ana shunday qobiliyatlardan hisoblanadi.



1



2



4



3



5



6





7



8

1. Yugurish.
2. Cho'qqayib o'tirish.
3. Suzish.
4. Gantel ko'tarish (500 g).
5. Turnikda tortilish.
6. Bir oyoqda o'tirib-turish.
7. Oyoqlarni yonga ochib yoki juftlab turib sakrash.
8. Arg'amchida sakrash.

# CHAQQONLIKNI RIVOJLANTIRUVCHI MASHQLAR



## MUNDARIJA

<b>Jismoniy tarbiya nimalarni o'rgatadi?</b> .....	3
Kun tartibi .....	4
O'quvchining kun tartibini qanday tuzish kerak? .....	7
Ertalabki badantarbiya mashqlari .....	12
Tozalik — salomatlik garovi.....	17
Chiniqish.....	21
Sport jihozlari .....	23
Sport zali.....	25
Gimnastika mashqlari.....	29
Saflanish va qayta saflanish usullari .....	33
Harakatlanish turlari .....	36
Harakatlanish usullari .....	38
Harakatli o'yinlar .....	41
<b>Jismoniy sifatlarni tarbiyalash va nazorat qilish</b> .....	47
Qomatni rostlash .....	48
Yassioyoqlik .....	51
Qo'l kuchini oshiruvchi mashqlar .....	53

Oyoq kuchini oshiruvchi mashqlar.....	55
Qorin mushaklarini rivojlan- tiruvchi mashqlar.....	57
Chidamlilikni oshiruvchi mashqlar.....	60
Chaqqonlikni rivojlantiruvchi mashqlar.....	62

---

*O'quv nashri*

**Karimjon Mahkamjonov, Faxriddin Xo'jayev**

### **JISMONIY TARBIYA**

Umumiy o'rta ta'lim maktablarining  
1-sinf o'quvchilari uchun o'quv qo'llanma

Rassom *A. Bahromov*  
Muharrir *B. Xudoyorova*  
Badiiy muharrir *H. Qutluqov*  
Texnik muharrir *T. Xaritonova*  
Musahhih *G. Aripova*  
Kompyuterda tayyorlovchi *N. Ahmedova*

Nashriyot litsenziyasi AI № 158, 14.08.2009.  
Bosishga 2017-yil 26-aprelda ruxsat etildi.  
Bichimi 60×90<sup>1</sup>/<sub>16</sub>. Ofset qog'oziga ofset bosma  
usulida bosildi. «Pragmatika» garniturasi. Kegli 18, 16.  
Shartli bosma tabog'i 4,0. Nashr tabog'i 4,56.  
Adadi 572416. Buyurtma № 17-189.

O'zbekiston Matbuot va axborot agentligining  
«O'zbekiston» nashriyot-matbaa ijodiy uyida chop etildi.  
100011, Toshkent, Navoiy ko'chasi, 30.

Telefon: (371) 244-87-55, 244-87-20  
Faks: (371) 244-37-81, 244-38-10.  
e-mail: [uzbekistan@iptd-uzbekistan.uz](mailto:uzbekistan@iptd-uzbekistan.uz)  
[www.iptd-uzbekistan.uz](http://www.iptd-uzbekistan.uz)